



JUDICIAL SYSTEM MONITORING PROGRAMME

PROGRAMA MONITORIZASAUN SISTEMA JUDISIÁL

Komunikadu Imprensa

Fevereiru 2013

Proposta Orsamentu Jerál Estadu ba Tinan 2013 pasa iha votasaun jenerálide

Parlamentu Nasionál (PN) iha 6 Fevereiru 2013 hala'ó votasaun jenerálide ba Proposta Lei Orsamentu Jerál Estadu (OJE) 2013. Proposta ne'e, debate durante loron tolu antes tama iha votasaun jenerálide ne'ebé pasa ho votu afavor 40, kontra 0 no abstensaun 25.

Bankada Fretilin nu'udar uniku opozisaun iha PN, desidi vota abstein tanba konsidera proposta ne'e sei presija hadia iha diskusaun espesialidade. Durante debate bankada opozisaun mos hato'ó sira nia preokupasaun ba etablesimentu projeitu *Tasi Mane* ne'ebe aloka osan barak liu kompara ho setór importante sira hanesan Edukasaun, Saude, Agrikultura, Estrada, Bee mos no Saneamentu ne'ebe bele garante atu hadia povu nia moris.

Bloko koligasaun Parlamentar vota afavor tanba konsidera orsamentu ne'ebé governu propoin ba dezvoltamentu bele garantia atu hadia povu nia moris diak bá ohin no aban bainrua.

JSMP observa katak, realidade governu aumenta osan kada tinan atu hadia infrastrutura maibe laiha balansu ho koalidade fiziku. Ezemplu estrada kada tinan kontinua at no governu la investe ba setor seluk.

JSMP enkoraza deputadu sira atu uja sira nia kompetensia tomak iha sesaun debate espesializada hodi hadia proposta Orsamentu Estadu fó prioridade no investe ba setór importansia sira ne'ebe mensiona iha leten, dehan Direitór Ezekutivu JSMP Luis de Oliveira Sampaio.

Tuir agenda proposta OJE 2013, sei tama iha diskusaun espesialidade iha komisaun eventual no sei remata ho aprovasaun final global iha fulan ne'e.

Atu hetan informasaun kle'an liu tan favor kontaktu:

Luis de Oliveira Sampaio
Diretór Ezekutivu JSMP
Email: luis@jsmp.minihub.org
Landline: 3323883 / 77810637
www.jsmp.tl